

---

## МАРҒИЛОН ШАҲРИДА ЗАМОНАВИЙ МЕВА-САБЗАВОТЛАРНИ ҚАЙТА ИШЛАШ КОРХОНАСИ ҚУРИБ БИТКАЗИЛДИ

Вилоят ҳокими Хайрулло Бозоров Марғилон шаҳридаги “Пичоқчи” МФЙ ҳудудида “Generous valley treading” МЧЖ томонидан қуриб битказилган мева-сабзавотларни қайта ишлаш корхонасини кўздан кечирди.

Келгуси ойда фойдаланишга топшириладиган ушбу корхона, тадбиркорнинг 2 миллион доллар ўз маблағлари ҳамда Жаҳон банки лойиҳаси доирасида тақдим этилган қарийб 600 минг доллар кредит ҳисобига барпо этилди. Жорий йил февраль ойида қурилиш ишларига киришилган бўлса, июль ойида жиҳозларни ўрнатиш ишлари бошланди. Асосан Туркиядан, шунингдек, қисман Хитойдан келтирилган замонавий технологиялар ёрдамида йиллик 3 минг тонна мева ва сабзавотни қайта ишлаб, қадоқланади.

Маҳсулотлар Европа ва Россия бозорларига, шунингдек, ички бозорга йўналтирилади. Корхонада 65 та янги иш ўрни яратилмоқда.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2022-11-17 23:19:10